

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ ՀՈՒԼԻՍԻ 20-Ի N 1106-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### ՈՐՈՇՈՒՄ

\_\_\_\_\_ 2024 թվականի N \_\_\_\_ Ն

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ ՀՈՒԼԻՍԻ 20-Ի N 1106-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2006 թվականի հուլիսի 20-ի «**Ճանրաքաշ բեռներ փոխադրելու համար օգտագործվող կամ ճանապարհային երթևեկության կանոններով սահմանված եզրաչափերը գերազանցող կամ երկու և ավելի կցորդների հետ միասին ավտոգնացքի կազմում շահագործվող տրանսպորտային միջոցների երթևեկության կանոնները և չմասնատվող բեռներ փոխադրող թույլատրելի առավելագույն զանգվածը գերազանցող և (կամ) մեկ սռնու վրա ընկնող բեռնվածքը գերազանցող և (կամ) մեծ եզրաչափերով տրանսպորտային միջոցներով փոխադրումների իրականացման երթուղու տրամադրման թույլտվության կարգը, տրանսպորտային միջոցների թույլատրելի առավելագույն զանգվածը և (կամ) մեկ սռնու վրա ընկնող բեռնվածքը, ինչպես նաև մեծ եզրաչափերի առավելագույն չափերը հաստատելու մասին թույլտվության տրամադրման կարգը հաստատելու մասին» N 1106-Ն որոշման (այսուհետ՝ Որոշում) մեջ կատարել հետևյալ փոփոխությունները և լրացումները՝**

1) Որոշման 1-ին կետի ա) ենթակետով հաստատված N 1 հավելվածի՝

ա. 2-րդ կետի 6-րդ ենթակետի «Հայաստանի Հանրապետության ոստիկանության ճանապարհային ոստիկանությունը (այսուհետ՝ ճանապարհային ոստիկանություն)» բառերը փոխարինել «Հայաստանի Հանրապետության ներքին գործերի նախարարության ոստիկանության

իրավասու ստորաբաժանումը (այսուհետ՝ Ոստիկանության իրավասու ստորաբաժանում)՝ բառերով, 8-րդ ենթակետի լրացման համար հարկային ոստիկանության՝ բառերը փոխարինել լրացման իրավասու ստորաբաժան՝ բառերով, իսկ 12-րդ ենթակետի «Հայաստանի Հանրապետության ընդհանուր օգտագործման պետական ավտոմոբիլային ճանապարհներով մեծ եզրաչափերով տրանսպորտային միջոցով բեռ փոխադրելու իրավունք վերապահող փաստաթուղթ (Ձև N 2), կամ Հայաստանի Հանրապետության ընդհանուր օգտագործման պետական ավտոմոբիլային ճանապարհներով թույլատրելի ընդհանուր զանգվածը և (կամ) մեկ սնուռ վրա ընկնող թույլատրելի բեռնվածքը գերազանցող ծանրաքաշ տրանսպորտային միջոցով չմասնատվող բեռ փոխադրելու իրավունք վերապահող փաստաթուղթ (Ձև N 3)» բառերը փոխարինել «Հայաստանի Հանրապետության ընդհանուր օգտագործման պետական ավտոմոբիլային ճանապարհներով ծանրաքաշ, չմասնատվող և (կամ) մեծ եզրաչափերով բեռ փոխադրելու իրավունք վերապահող փաստաթուղթ» բառերով.

բ. 4-րդ կետը շարադրել հետևյալ խմբագրությամբ՝ «4. Ծանրաքաշ, չմասնատվող և (կամ) մեծ եզրաչափերով բեռների փոխադրումների իրականացման թույլտվությունները տրամադրվում են տրանսպորտի ոլորտի թվային ծառայությունների հարթակի (transport.e-gov.am) միջոցով՝ էլեկտրոնային տարբերակով: Հարթակի մուտքը ապահովվում է «Ես Եմ» ազգային նույնականացման հարթակի միջոցով՝ Հայաստանի Հանրապետության կառավարության 2017 թվականի մայիսի 25-ի 572-Ն որոշման համաձայն:».

գ. 5-րդ կետը շարադրել հետևյալ խմբագրությամբ՝

«5. Ծանրաքաշ, չմասնատվող և (կամ) մեծ եզրաչափերով բեռների փոխադրումների իրականացման թույլտվություն ստանալու համար բեռնափոխադրողները տրանսպորտի ոլորտի թվային ծառայությունների հարթակում (transport.e-gov.am)՝ էլեկտրոնային եղանակով ներկայացնում են դիմում՝ ներառելով հետևյալ տվյալները՝

- 3) փոխադրման տեսակը (միջպետական, միջմարզային, ներմարզային).
- 4) թույլտվության տեսակը (մեկանգամյա, բազմակի).
- 5) բազմակի (որոշակի ժամկետով) թույլտվության տեսակի դեպքում երթերի քանակը.
- 6) երթևեկության սկզբնակետը, վերջնակետը և երթուղին.
- 7) բեռնափոխադրման ժամանակահատվածը.
- 8) բեռը փոխադրող տրանսպորտային միջոցի (քարշակի) և կցորդ(ներ)ի մակնիշը/մոդելը և հաշվառման համարանիշները.
- 10) սռնիների միջև հեռավորությունը և սռնիների բեռնվածությունը.
- 11) ավտոգնացքի եզրաչափերը (երկարություն, լայնություն, բարձրություն,

շրջադարձի շառավիղ՝ բեռով)։

12) բեռն ուղեկցող անձի կամ անձանց անուն ազգանունը։

13) սույն կանոնների 21-րդ կետի կիրառման դեպքում՝ պաշտպանական տրանսպորտային միջոցի մակնիշը, մոդելը, հաշվառման համարանիշը։

դ. 6-րդ կետը շարադրել հետևյալ խմբագրությամբ՝

«6. Բեռնափոխադրողներին էլեկտրոնային եղանակով տրամադրվում է մեկանգամյա կամ բազմակի (որոշակի ժամկետով) փոխադրումներ իրականացնելու թույլտվություն՝ համաձայն N 2 ձևի: Մեկանգամյա թույլտվությունը տրվում է նշված ժամկետում մեկ փոխադրում իրականացնելու համար: Որոշակի ժամկետով թույլտվությունը տրվում է 1-3 ամիս ժամկետով կամ նշված ժամանակահատվածում (մինչև 3 ամիս) որոշակի թվով փոխադրումներ իրականացնելու համար:»։

ե. 7-րդ կետը շարադրել հետևյալ խմբագրությամբ՝

«7. Ծանրաքաշ, չմասնատվող և (կամ) մեծ եզրաչափերով բեռների փոխադրման թույլտվություն ստանալու նպատակով ներկայացված դիմումների հիման վրա ինքնաշխատ եղանակով ձևավորվում է էլեկտրոնային գրանցամատյան, որը պարունակում է N 4 ձևում արձանագրված տեղեկատվությունը: Թույլտվության տրամադրումը համակարգող պատասխանատու ստորաբաժանումը ստուգում է յուրաքանչյուր դիմումում ներկայացված տվյալների ամբողջականությունը, ինչպես նաև քարշակի և կցորդ(ներ)ի տեխնիկական համապատասխանությունը՝ տվյալ փոխադրումն իրականացնելու համար՝ ըստ դիմումում նշված տվյալների:»։

զ. 9-րդ կետը շարադրել հետևյալ խմբագրությամբ՝

«9. Ծանրաքաշ, չմասնատվող և (կամ) մեծ եզրաչափերով բեռների փոխադրման թույլտվության տրամադրման մասին դիմումները քննարկվում են բեռնափոխադրողի կողմից տրանսպորտի ոլորտի թվային ծառայությունների հարթակում (transport.e-gov.am) էլեկտրոնային տարբերակով սույն կանոնների 5-րդ կետով սահմանված ամբողջական տեղեկատվությունը ներկայացնելուց հետո՝ 3 աշխատանքային օրվա ընթացքում:»։

է. 11-րդ կետի «3» թիվը փոխարինել «2» թվով։

ը. 12-րդ կետի «կետի 1-ին և 2-րդ ենթակետերով» բառերը փոխարինել «կետով» բառով։

թ. 13-րդ կետի 1-ին ենթակետի «փաստաթղթերը թերի են» բառերը փոխարինել «տեղեկատվությունը թերի է» բառերով, իսկ «3» թիվը փոխարինել «2» թվով։

ժ. 13-րդ կետի 5-րդ ենթակետն հանել։

ժա. 14-րդ կետը շարադրել հետևյալ խմբագրությամբ՝

«14. Թույլտվությունը բեռնափոխադրողին տրամադրվում է էլեկտրոնային եղանակով՝ այն հասանելի դարձնելով տրանսպորտի ոլորտի թվային ծառայությունների transport.e-gov.am հարթակում՝ դիմորդի անձնական էջում և ուղարկվում է նրա էլեկտրոնային փոստի հասցեին:».

Ժբ. 15-րդ կետը շարադրել հետևյալ խմբագրությամբ՝

«15. Լիազոր մարմինը բեռի փոխադրման ընթացքում երթևեկության անվտանգության պայմաններն ապահովելու նպատակով բեռնափոխադրումը համաձայնեցնում է Ոստիկանության իրավասու ստորաբաժանման հետ, որը տրամադրում է անցագիր՝ տրանսպորտի ոլորտի թվային ծառայությունների հարթակի (transport.e-gov.am) միջոցով՝ էլեկտրոնային տարբերակով:».

Ժգ. 16-րդ կետը շարադրել հետևյալ խմբագրությամբ՝

«16. Ոստիկանության իրավասու ստորաբաժանման կողմից էլեկտրոնային թույլտվության անցագրի հատվածում լրացվում են «Փոխադրման ժամեր», «Երթևեկության թույլատրված առավելագույն արագություն», «Կամուրջներով և ուղեանցներով առավելագույն արագություն», «Սահմանափակումներ եղանակային պայմաններից», «Ուղեկցում», «Կապի ձև», «Երթևեկության ժամանակավոր կամ օպերատիվ փոփոխություն» դաշտերը:».

Ժդ. 17-րդ կետը շարադրել հետևյալ խմբագրությամբ՝

«17. Տրամադրված թույլտվությունը պարունակում է արագ արձագանքման ծածկագիր (QR կոդ) և 16 նիշանոց հսկիչ համար (tracking number): Բեռնափոխադրման թույլտվության և անցագրի վավերականությունը փոխադրումների նկատմամբ հսկողություն իրականացնող մարմինների կողմից կարող է իրականացվել հսկիչ համարը պաշտոնական փաստաթղթերի իսկության ստուգման պաշտոնական կայք (<http://verify.e-gov.am>) մուտքագրելու կամ արագ արձագանքման ծածկագրի միջոցով:».

Ժե. 18-րդ կետի «ընթացքում» բառից հետո լրացնել «տրանսպորտի ոլորտի թվային ծառայությունների հարթակում (transport.e-gov.am)» բառերը.

Ժզ. 20-րդ կետի, 20-րդ կետի 2-րդ ենթակետի և 22-րդ կետի «ճանապարհային ոստիկանություն» բառերը փոխարինել «Ոստիկանության իրավասու ստորաբաժանում» բառերով՝ համապատասխան հոլովածներով.

Ժէ. «N 1» «N 3» և «N 5» ձևերը հանել.

Ժը. «Ձև N 4»-ը շարադրել հետևյալ խմբագրությամբ՝

«Ձև N 4

Ճանրաքաշ, չմասնատվող և (կամ) մեծ եզրաչափերով բեռների փոխադրման թույլտվությունների էլեկտրոնային գրանցամատյան

1. Թույլտվության համար
2. Թույլտվության ամսաթիվ
3. Բեռնափոխադրողի անվանումը
4. Բեռնափոխադրողի հասցեն
5. Փոխադրման ժամանակահատված
6. Երթի տեսակ
7. Երթի սկզբնակետ, վերջնակետ և երթուղի
  1. Բեռի ցուցանիշներ
  1. Զարչակի մակնիշ/մոդել և համարանիշ
  1. Կցորդ(ներ)ի մակնիշ/մոդել և համարանիշ
  1. Վճարած գումար»

Ժը. «Ձև N 2»-ը շարադրել հետևյալ խմբագրությամբ՝

«Ձև N 2

2. Սույն որոշումն ուժի մեջ է մտնում պաշտոնական հրապարակմանը հաջորդող քսաներորդ օրը:

**Հայաստանի Հանրապետության  
վարչապետ**

**Ն. Փաշինյան**